

CHLOUSESCHIESSE, VOM SAMSTI 29. NOVEMBER 2008

Aus inzwüsche B-Mitglied vo de Fäldschütze Hettiswil hani am 29. November 2008 mit dörfe anes Chlouseschiesse. Es Erlebnis, wo mir zwüsche düre so richtig komisch isch vorcho.

In Tecknau hei mir num einisch gfre, es isch o nid anders zerwarte gsi, am Morge am Zähni bi fasch 0 Grad. DResultat si bi einige dämentsprächend o nid grad dr Hit gsi, d Finger si haut zschnäll igfre. U när hets no setigi gä, wo dr fausch wäg gschobe hei....

Grad nachem Schiesse isches witer Richtig Mümliswil gange. Aber nid öpe ufem schnäuste Wäg, was wou für die Jahreszyt sinnvoll wär gsi, nei ufem chürzische Wäg. Hügel uf, Hügel ab, Strässli hie wome nid cha chrüze, Strässli dert wo schneebedeckt und verischt si gsi, eifach ume eis e typischi Gebrüder Gerber Aktion - me isch eifach nachem Wäg was Navi agäh het, gfare. O wenn dUssicht herrlech gsi isch i dene Höger, Gerber Senior und B-Mitglied Weber hei nume einisch gfluechet.

SMümliswil isches du glücklicherwis chli wärmer gsi und o d Sicht besser, was zu sehr guete REsultat gführt het. Ou hets zytlech glängt, für es Kaffi znäh, bevor mir üs ufe Wäg zum letschte Schiesse sBalstahl gmacht hei.

DSicht in Balstahl isch leider katastrophal gsi, dunstig bis zum geht nicht mehr. Aber mir hei versuecht zbeste druzmache und heis üs när ir warme Schützestube gmüetlech gmacht. Nachdäm Schmids, Buris und Gerber no die meiste guete Lösli zoge hei und sech no fasch e ganze Hushalt hei chönne aschaffe, simer heiwärts.

Am Abe heimer üs bi Buris troffe, wo mir dusse überem Drübei imene Kessel Fondue gmacht hei. Es Fondue mit guet meterlänge Gable zässe isch es genials Erlebniss gsi. O wenn mir drna alli gräucheret si gsi, danki a dere Steu am Urs und am Jörg für das super zNacht und dr Brigitte für das feine Dessert.

